

Valentinus vnsir schriber, der von vnsirm gebote vnde geheyse disen keginwertigin briff geschreben hat.

Nach dem Orig. im K. Haupt-Staatsarchiv zu Dresden mit den Siegeln der Burggrafen an Pergamentstreifen.

Märcker Burggr. Meissen S. 314 f. Im Auszuge Hasche Magazin VI. S. 151 f.

No. 234. 1398. 4. Juni.

Markgraf Wilhelm genehmigt die Abtretung von Geldzinsen an das Afrastift zu Abhaltung einer täglichen Messe am Erasmusaltare der Stiftskirche und zu einem Jahrgedächtniss für Ulrich von Grünrode. Vgl. No. 261.

Wir Wilhelm von gotis gnaden marcgraffe czu Missin, in dem Ostirlande vnd czu Landisperg, lancgraffe in Doringen vnd pfalzgraffe czu Sachsen, bekennen vor vns vnser erbin vnd nachkomen —, wenne der gestrenge vnser liber getruwer Ticzeman von Grunrode czu Borne bie Osschacz gesessin czu einem selgerete vnd ewigen gedechnis eczwenne Vlrichs von Grunrode synes bruders dem got gnade, vnd ouch sust durch syner eldirn vnd syner selen selekeit willen achzehin hufen landis in dem felde des dorffis Doberwicz^{a)} gelegen, die er von vns vnd vnser herschafft bisher czu lehen gehabt hat, den ersamen vnd innigen herren probste vnd samenunge czu sente Affren regeler ordins czu Missin czu einer ewigen messen alle tage in dem clostere obir sente Erasmus altare dauon czuhalden¹ vnd czubestellen gegeben vnd bescheiden hat, vnd hat vns inniglichen gebetin, die achzehin hufen vnd den czinns, der doruffe liid, czu dem clostere czu sente Affren vorgnant czueigen vnd czugeben, die achzehin hufen landis dise nachgeschrebin lute besiczczin vnd erbeiten, vnd solchin czins dauon reichen alle iar vff sente Michilstag alz hirnach geschrebin steit. Czum irsten Nigkil Rencz hat eine halbe hufe vnd czinset dauon sebin groschin, einen halben scheffil weiz, dry virteil korns, dry virteil haffern, andirhalb hun, acht eygere, eine halbe schulder vnd virzehen hellere artpfenninge; Ditherich Schroter hat eine halbe hufe vnd czinset dauon sebin groschin, einen halben scheffil weiz, dry virteil korns, dry virteil haffern, andirhalb hun, kese vor czwene hellere, eine halbe schulder vnd virzehen hellere artpfenninge; Niczsche Pieczow vnd Mathey Pieczow gebrudere habin eine hufe vnd czinsen dauon virzehen groschin, einen scheffil weiz, andirhalbin scheffil korns, andirhalbin scheffil haffern, eine schulder, dry hunre, fumffzehin eygere vnd acht vnd czwenzig hellere artpfenninge; Niczsche Borer hat eine hufe vnd czinset dauon virzehen groschin, einen scheffil weiz, andirhalbin scheffil korns, andirhalbin scheffil haffern, eine schulder, dry hunre, fumffzehin eygere, acht vnd czwenzig hellere artpfenninge; Heyneman Lußener hat eine hufe vnd czinset dauon virzehen groschin, einen scheffil weiz, andirhalbin scheffil korns, vnd so vil haffern, eine schulder, dry hunre, fumffzen eygere, vnd acht vnd czwenzig hellere artpfenninge; Hannus Rencz hat eine hufe vnd czinset dauon virzehen groschin, einen scheffil weiz, andirhalben scheffil korns

a) Grossdobritz, Par. Gröbern.